

Mona darbā

Begīvendama aš vēina,
Knebiniejous kuožna dēina.
Žēimuos vakarā jug ēlgē,
Niek nedērbont būtom ēlgo.

Nero sūnou lig Kaliedu
Nieriau šiūršē pēlka spalva,
Ē martelē kepurieliu,
Ka neparšaldītom galva.

Ē aš pati torio darba –
Nesakīs nieks, ka bedarbē.
Ožsiemusi be gala –
Nemanau, ka gausio gala.

Rēk ē kningu paskaitītē,
Ē žurnalu pasklaidītē,
Televizurio veizietē –
Rēk žēnuot, kas deds ont svieta.

Pasistrajīt nuognē poikē,
Ka nejouktomēs ni zoikē.
Pagēiduoṭē rēk rožončio...
Nepabruokiečiuo ni tonciu.

Atēs laiks, ka nebnuoriesio,
Nieka dērbtē nebgaliesio.
Rēks numértē, ka pasensio –
Ontra omžio negīvensio.